



乾
隆
府
聽
州
縣
圖
志
廣東

ル 5
1353
16





興王府宋復曰廣州中都督府南海郡清寧軍節度為廣南東路治大觀元年升為帥府祥興元年升翔龍府元至元十五年改為廣州路兼置海北廣東道肅政廉訪司屬江西行中書省明洪武初曰廣州府為廣東布政使司治本朝因之總督兩廣部院巡撫部院及布政使司按察使司治此鎮守將軍及鹽運使司糧儲兼水利道亦駐此海防同知二一駐佛山一駐前山寨通判駐永寧

府境

東西距四百二十里
南北距六百四十五里
東至惠州府博羅縣界二百二十里
西至肇慶府高要縣界二百二十里
南至香山縣前山寨界三百四十里
北至韶州府英德縣界三百五十里
東南至海四百里
西南至肇慶府陽江縣界五百四十里
東北至英德縣界三百五十里
西北至連州連山縣界七百八十里

自府治至 京師八千一百八十五里

土貢

銀 鐵 錫 布 鹽 蠶 香 藥 五色藤 荔
枝 餘甘子 鱉皮 水馬 鷄鵝 魚

管縣十四

南海 番禺 順德 東莞 從化 龍門 增城 新會 香山 三水 新甯 清遠 新安 花

南海縣

衝繁疲難郭下

有寶粵錢局佛山一鎮巡檢六駐神安金利黃鼎江浦三江五斗里

秦置番禺縣為南海郡治隋開皇十年改置南海縣仍為南海郡治唐以後為廣州治

石門山在縣西北史記南越列傳元鼎六年樓船將軍將精卒陷尋陔破石門司馬貞稱廣州記云因呂嘉拒漢積石江中為門故名又有石門水一名貪泉

海在縣南府境番禺東莞香山新會新甯皆瀕海船舶往諸番

者出虎頭門始入大洋分東西二路東洋差近西洋稍遠宋於

中路置巡海水師營壘今為東莞縣南頭城

州城今縣治酈道元云建安中吳遣步騭為交州到南海見土地形勢觀尉佗舊治處曰斯誠海島膏腴之地宜為都二十二年遷州番禺築立城郭綏和百越遂用甯集南漢咸甯廢縣在

縣西北

陸賈城在縣西十四里李吉甫云賈之來也佗不即前賈故為城以待之

南漢廢宮在縣子城中

番禺縣

衝繁疲難郭下

有扶胥一鎮縣丞分駐南村巡檢

四駐沙灣鹿步慕德里菱塘

秦漢以後為番禺縣地隋為南海縣地唐長安三年置番禺縣宋開寶五年省入南海皇祐三年復置

番山在縣城東南縣以番山禺山得各山海經謂之賁禺禺山在縣西南一里尉佗墓於此

豚水一名牂柯江自三水南海二縣流入縣界東南入海史記元鼎五年使馳義侯因巴蜀罪人發夜郎兵下牂柯江咸會番禺又循江今名東江在縣東南八十里即龍川水自東莞增城二縣境流入縣界與西北二江合是為波羅江南海神廟在江上

甘溪一名菖蒲澗在縣東北聚龍岡北六里南越志交州刺史陸允所開每旦輒傾州連汲以供日用

晉懷化廢縣在縣東南又劉宋熙安廢縣在縣東

盧循城在縣南李吉甫云循既為宋高祖所破聚其餘黨遂至番禺高祖又遣孫季高沈田子力戰大破之

朝臺在縣東北酈道元云尉佗因岡築臺北面朝漢

鐵場在縣界王存云縣有銀爐鐵場又清遠縣有靜定鐵場

順德縣 繁疲難東北至府一百里 有縣丞分駐寄奇巡檢

明景泰三年析南海縣地置 四駐紫泥江村都甯馬

東莞縣 繁疲難西北至府一百八十里 有關口一鎮巡檢

三駐關口及京山中堂

漢南海郡博羅縣地東晉為東官郡寶安縣地唐為東莞縣地
宋開寶六年始置東莞縣於今治

黃嶺山在縣南唐十道志嶺南名山之一秀山在縣西南海中

靖康鹽場在縣西南六十里王存云東莞有靖康大甯東莞三

鹽場海南黃田歸德三鹽棚東莞場即晉初司鹽都尉治今在

新安縣東海南三鹽棚並在新安縣境圖經鹽運使所轄有白

石大洲等十三場皆置大使

銀場在縣及清遠二縣界王存云東莞有桂角香山厓二銀場

清遠有大富銀場

從化縣 簡南至府一百三十里 有巡檢駐流溪

明宏治九年析番禺縣地置 有巡檢駐廟子角

龍門縣 簡西南至府二百一十里

明宏治九年析增城縣地置 有巡檢駐茅田

增城縣 簡西至府一百六十二里

後漢分番禺縣置梁移東官郡來治隋初郡廢仍屬南海郡

白水山在縣東二十里高二百丈周二十里樂史云廣州記縣

有白水山後人作泉山蓋誤合白水為一字貌山在縣東南二

十三里多婆娑羅竹至堅可以為弓

增江水在城東一里杜祐云增城縣有增江

縣故城在今縣東北五十里唐末又移於今縣東北十里九岡

村後又移今治劉宋綏甯廢縣在縣西南四十里綏甯鄉

新會縣繁疲難東北至府二百三十里有縣丞分駐江門

巡檢三駐沙村牛庇灣潮連

漢四會縣地三國吳分置平夷縣晉太康元年改曰新夷東晉

分置益允縣宋永初元年置新會郡以益允縣為治隋平陳廢

為新會縣置封州開皇十一年改曰允州又改為岡州大業初

州廢唐武德四年復置岡州貞觀十三年州廢其年復置開元

二十三年州廢遂屬廣州

崖山在縣南八十里臨大海宋史祥興初帝昺立於岡州張世

傑以崖山為天險可阨以自固乃奉帝移駐於此

益允故城在縣北二十里新夷廢縣在縣西十五里劉宋宋元

廢縣在縣界封樂廢縣在縣西北

錫場王存云縣有千歲一錫場又清遠縣有錢糾一鉛場

香山縣繁疲難北至府二百二十里有縣丞分駐澳門巡

檢四駐香山黃圃黃梁淇澳

宋紹興三十二年分東莞縣置

浮虛山在縣北七十里海中山海經南海有浮石之山疑即此

山下有浮虛海鳳皇山在縣東南百里山下雞拍村舊有銀礦

香山鹽場在縣東南一百里香山寨北

三水縣衝難東南至府一百七十里有西南長岡二鎮巡

檢二駐三水村及胥江

明嘉靖五年分南海及肇慶之高要二縣地置

鬱水今名西江自肇慶府高要縣流入逕縣南又逕南海新會

二縣西南入海又北江即古涯濤瀆諸水滙流自韶州英德縣

合流入清遠縣又南流入縣西南注鬱水

新甯縣繁難東北至府三百六十里

有縣丞分駐五堡巡檢駐廣海寨

明宏治十一年析新會縣置

海晏鹽場在縣南王存云新會有海晏博勞懷甯都斛矧洞金

斗六鹽場今海晏場在縣西南矧洞場在縣南餘廢

清遠縣衝難南至府三百四十里

有巡檢三駐琶江濱江同岐

漢置中宿縣三國吳改屬始興郡梁武帝分置清遠郡陳廢郡

為清遠縣

峽山在縣東一名觀峽一名中宿峽縣昔取峽為名酈道元云

濤水又西南逕中宿縣會一里水其處隘名為觀峽

涯水在縣東自韶州府英德縣合濤瀆二水流入縣界又西南

入三水縣界合北江班固云中宿縣有涯浦官

中宿廢縣在縣西北隋政賓廢縣在縣西北池水鄉威正廢縣

在縣西北

新安縣疲難西北至府二百六十里

有縣丞分駐大鵬里巡檢二駐官富福永

漢南海郡博羅縣地晉咸和六年分南海置東官郡兼置寶安

縣為郡治齊移郡治縣仍屬焉唐至德二年改曰東莞宋開寶

五年廢入增城尋復為東莞縣地明洪武二十七年置東莞守

禦千戶所萬曆元年改置新安縣

本朝康熙六年省八年復置

寶山在縣東北舊以山有寶置場烹銀名石甕場今山中銀滓

猶存

東莞故城在縣東

花縣 簡南至府九十里 有巡檢二駐師嶺水西

本朝康熙二十四年析番禺南海地置

明從化故城在縣西南

韶州府 衝疲

原額人丁共八萬六千五百八十四
又滋生人丁共一百六十八

禹貢揚州之域春秋屬越戰國屬楚秦為南海郡地漢初屬南越武帝平南越屬桂陽郡後漢置始興郡尉三國吳甘露元年始分桂陽南部置始興郡治曲江宋太豫元年改曰廣興郡齊復曰始興梁承聖中於郡置東衡州隋開皇九年平陳郡廢改東衡州曰韶州十一年州廢入廣州十二年移廣州來治開皇末廣州還治南海大業初屬南海郡唐武德四年置番州尋改

曰東衡州貞觀元年復曰韶州天寶初復曰始興郡乾元初復曰韶州五代屬南漢宋亦曰韶州始興郡元至元十五年置韶

州路總管府明洪武初改韶州府

本朝因之分巡南韶連道駐此兼理太平橋鈔關

府境

八到

東西距六百里
南北距五百九十里
東至南雄府始興縣界一百五十里
西至連州府陽山縣界四百五十里
南至廣州府清遠縣界三百七十里
北至湖南郴州府連平州界二百二十里
東南至惠州府連平州界二百八十里
西南至清遠縣界四百五十里
東北至始興縣界一百六十里
西北至湖南郴州府界二百五十里
自府治至京師七千三百三十五里

土貢

銀 銅 鐵 鉛 布 蘭桂 甲香 水馬 蚺蛇
鮫魚皮 錘乳 石斛 英石

管縣六

曲江 樂昌 仁化 乳源 翁源 英德

曲江縣 繁難郭下

有巡檢二駐平岡濛裏

漢舊縣屬桂陽郡三國吳為始興郡治唐為韶州治

玉山在縣東南李吉甫云有採玉處銀山在縣西二十一里靈

鷲山在縣北林源山在縣北七十里一名臨沅山亦名洄山道

元云林水出曲江縣東北洄山

靈石在縣東北道元云利水東逕靈石下一名逃石李吉甫謂

之牢石也

東溪在縣東盛宏之云始興郡有東江發源南康大庾嵩下南

流西轉與北江合又武溪水自湖南宜章縣流入逕乳源樂昌

入縣境合東溪又西入英德縣又縣境利水即水並注東溪

縣故城在今縣西唐書武德初鄧文進為本州刺史移州於水

西五代梁乾化初始徙今治故郡城在縣南一名王城唐臨瀧

廢縣在縣南宋建福廢縣在縣東南本岸水場地舊產銀銅

樂昌縣 衝難東南至府八十里 有羅渡一鎮巡檢二駐羅渡及九峯

梁武帝析曲江縣地置梁化縣隋開皇十八年改曰樂昌

藍豪山在縣西北六十里三瀧之水經焉酈道元云山廣圓五

百里又云泠水東出泠君山今山亦在縣境東北

梁化廢縣在縣東郭又梁平石廢縣在縣西北

任巖故城在縣西南 有巡檢駐扶溪

仁化縣 簡西南至府一百里

蕭齊分曲江縣地置後省唐垂拱四年復置宋開寶五年省入

樂昌咸平三年復置

五渡水在縣東北百里

縣故城在今縣北

趙佗城在縣北九十里城口邨

乳源縣 簡東少北至府九十里 有巡檢駐武陽

宋乾道二年分曲江樂昌二縣地置以縣北三里鍾乳嶺得名

濠水今名始興大江自湖南宜章縣流入又西南入廣州府界

班固云濠水東南至瀘陽入滙行七百里

縣故城在今縣西明洪武元年徙今治

翁源縣 難西北至府一百八十里 有三華一鎮巡檢二駐

漢桂陽郡須陽縣地梁承聖末分置翁源縣因縣界翁水之源

為名元初廢大德五年復置改屬英德州明洪武初屬韶州

寶山在縣北二十五里舊產銅鑄

瀘水在縣南源出惠州府龍川縣逕連平州流入又東至英德

縣入濠水應劭曰瀘水出南海龍川西入濠

縣故城在今縣東唐貞元元年移今治

英德縣 衝難東北至府二百二十里 有清溪一鎮巡檢二

五代南漢乾和五年於瀘陽縣置英州宋宣和二年賜名瀘陽

郡慶元三年升英德府元至元十五年置英德路二十三年降

為散州大德五年復為路至大初又降為州省瀘陽含滙二縣

入之明洪武初降為縣屬韶州

瀘石山在縣東水經瀘陽縣東有瀘石山廣員三十里瀘陽峽

在縣南十五里

滙水在縣西北四十二里西南流合濠水山海經謂之涅水班

固云滙水南至四會入鬱林

漢瀘陽故城在縣東含滙故城在縣西七十五里含光鎮

萬人城在縣境

南雄府

原額人丁共一萬七千六百五

漢以前同韶州府漢為豫章郡南野縣地三國吳分置始興縣屬始興郡梁分置安遠郡隋平陳郡廢屬南海郡唐屬韶州五代南漢乾和四年始分置雄州宋開寶四年以河北路有雄州故加南字宣和二年賜郡名保昌元至元十五年改南雄路明洪武元年改南雄府

府境

東西距三百四十里
南北距三百四十里

入到

東至江西信豐縣界一百四十里
西至韶州府仁化縣界二百五十里
南至韶州府翁源縣界九十里
北至江西大庾縣界九十里
東南至信豐縣界二百二十里
西南至翁源縣界二百二十里

東北至信豐縣界二百里
西北至大庾縣界二百里
自府治至京師七千三十五里

土貢

絹 布 單竹 嫩石 石墨 藥

管縣二

保昌 始興

保昌縣

衝繁郭下

有沙水通濟二鎮巡檢三駐紅梅百順平田

唐光宅元年析始興縣置瀆昌縣屬韶州五代南漢時為雄州治宋天聖初改曰保昌

大庾嶺在縣北漢書元鼎中越相呂嘉反破將軍韓千秋於石門函封送漢節於塞上顧野王云臺嶺即塞上今名大庾李吉甫云漢伐南越有監軍姓庾城於此地衆軍皆受庾節度故名大庾五嶺之戎此最在東故曰東嶺五嶺戎謂大庾始安臨賀

桂陽揭陽縣也

東溪在縣東南一名東江一名始興水源出大庾嶺西南流逕始興縣入韶州府界縣境修仁長圃等水並注東溪橫浦水在縣西源出大庾嶺南流逕始興縣西合北江史記元鼎五年主爵都尉楊僕為樓船將軍出豫章下橫浦又連水亦在縣西酈道元云連水出南康縣涼熱山連溪南流注於東溪

滇昌故城在縣城西

橫浦關一名秦關在縣西北史記南越列傳趙佗行南海尉事移檄告橫浦關曰盜兵且至急絕道聚兵自守又梅關在縣北大庾嶺

始興縣 衝繁東至府一百里

有墨江黃塘二鎮巡檢駐清

三國吳分南楚置梁置安遠郡於此隋平陳郡廢唐屬韶州宋

開寶四年改屬南雄州

邪階水在縣南經縣西北受朔水涼水肥水入東溪

縣故城在今縣西北蕭齊正階故城在縣西安遠廢郡在縣北

安遠鎮

鼻天子城在縣南酈道元云邪階水側有鼻天子城按墓亦在

此

惠州府

衝繁難

原額人丁共五萬九千四百六十三

又滋生人丁共一千三百六十六

漢以前同廣州府漢為南海郡博羅縣東晉分屬東官郡南齊移東官郡治懷安梁改置梁化郡隋平陳郡廢置循州總管府大業初府廢尋改為龍川郡治歸善縣唐武德五年復曰循州置總管府貞觀二年府廢天寶元年改海豐郡乾元元年復曰

循州五代屬南漢乾亨元年改曰禎州宋天禧四年改曰惠州宣和二年賜名博羅郡元至元十六年置惠州路明洪武元年改曰惠州府

本朝因之分巡惠潮嘉道駐此海防同知駐碣石鎮

府境 東西距六百九十三里 南北距六百七十里

八到 東至潮州府揭陽縣界五百九十三里 西至廣州府東莞縣界一百里 南至海岸一百二十里 北至江西龍南縣界五百五十里 東南至潮州府惠來縣界四百四十里 西南至廣州府新安縣界一百七十里 東北至江西長甯縣界六百七十里 西北至韶州府翁源縣界四百八十里 自府治至京師八千四百八十五里

土貢 銀 錫 絹 布 鹽 甲香 藤器 御園柑 鮫革 疋 楊梅 龍茶竹 碧雞 鸚武 五色雀 珠母 水馬 大魚睛 蚌 蛇膽 江瑶柱

管縣九州一

歸善 博羅 長甯 永安 海豐 陸豐 龍川

連平州 河源 和平

歸善縣 衝繁難郭下 有巡檢四駐碧甲平山平政平海

漢博羅縣地劉宋分置安懷縣齊曰懷安為東官郡治隋平陳置歸善縣

寅山在縣東北十五里樂史稱南越志欣樂縣北有寅山

海在縣南一百十里海豐縣南二十五里

縣故城在今縣東北五里南漢時徙今治晉欣樂故城在縣南按輿地記勝稱祥符圖經云歸善晉欣樂縣地陳禎明三年改為歸善又云欣樂城在歸善縣南一百五十里今考縣南去海止百二十里又欣樂縣名隋唐二書及李吉甫志皆不詳疑記

勝有誤也懷安廢縣在縣東南按隋書無懷安縣新唐書開元十四年貶劉宗器為循州安懷戎主蓋即舊縣置戎也劉宋西平廢縣在縣西按王存云歸善有西平流坑二銀場西平疑即故縣

錫場王存云歸善有永吉信上永安三錫場海豐有雲溪楊安勞謝三錫場河源有立溪和溪永安三錫場龍川有大有鉛場歸善有三豐鐵場

博羅縣 繁疲東南至府三十里 有巡檢三駐善政石灣蘇

漢舊縣屬南海郡隋改屬龍川郡

羅浮山在縣後劉昭云博羅縣有浮山自會稽浮來傳於羅山故置博羅縣蓋二漢博皆作博晉太康地志始作博李吉甫云高三百六十丈周三百二十七里其陽產錫

浮水在縣西李吉甫云浮水出羅浮山羅水在縣西五十里一名羅陽水源出羅山與浮水俱南流入循江

南嶺羅陽廢縣在縣西南

長甯縣 簡南少東至府四百里 有巡檢駐垵坪

明隆慶三年分河源及韶州府英德翁源二縣置

縣故城在今縣東北萬曆元年始移今治南齊新豐廢縣在縣

東南

永安縣 簡西少南至府二百里 有巡檢二駐寬仁及馴雉

明隆慶三年分歸善長樂二縣置

海豐縣 難西少北至府三百里 有縣丞分駐仙尾巡檢駐

東晉分龍川縣置屬東官郡隋改屬龍川郡

龍山李吉甫云在縣北五十里今考縣圖縣北五十里為掘龍

徑最險隘當卽是非今縣東二里之龍山也

縣故城在今縣東一里南齊陸安廢縣亦在縣東

陸豐縣難西至府三百五十里有巡檢三駐黃沙坑河甲子里

本朝雍正九年分海豐縣置

龍川縣衝西南至府四百二十里有巡檢三駐通衢十一都老隆里

秦舊縣隋開皇十一年省入河源唐天授二年改置雷鄉縣五

代南漢乾亨元年移循州來治仍改縣曰龍川宋爲循州海豐

郡治宣和三年改縣曰龍江紹興元年復故元至元十三年立

循州路總管府二十三年降爲散州明洪武二年州廢以縣屬

惠州府

霍山在縣東北百里高七百餘丈周七十餘里龍穴山亦在縣

東北李吉甫云今名龍川山

循江一名龍江又名東江舊唐書河源縣循江一名河源水自

零都縣界流入龍川圖經循江至廣州抵虎頭門入海府境諸

水並注循江

縣故城在今縣西北

連平州簡南至府四百里有巡檢二駐長吉及忠信里

明崇禎六年割和平河源長甯及韶州府翁源縣地置

九連山在州東三十里高二千餘丈周五百餘里東連龍川河

源南連博羅增城龍門從化西連翁源英德北連龍南環通九

縣故名

河源縣衝難南少西至府一百五十里有回龍一鎮巡檢駐藍口

南齊分龍川縣地置明崇禎六年與和平並改屬連平州

本朝仍屬惠州府

新豐江在縣北源出長甯縣西北東流合於循江

唐石城廢縣在縣北一百里地名縣口

和平縣 簡西南至府四百二十里 有洲頭一鎮

明正德十三年分龍川縣地置

洲頭山在縣西北接江西龍南縣界有上中下三洲洲溪水流

逕此明正德中王守仁搗三洲賊巢并奏置此縣

潮州府 衝繁難

原額人丁共一十九萬九千七百九十八

又滋生人丁共八百二十八

漢以前同廣州府漢為南海揭陽縣晉改置海陽縣咸和中分屬東官郡義熙九年置義安郡梁兼置東揚州後改曰瀛州陳時州廢隋平陳後又罷郡屬循州十一年分置潮州大業初復為義安郡唐武德四年復為潮州天寶初改潮陽郡乾元初復

曰潮州五代屬南漢宋亦曰潮州潮陽郡元至元十六年置潮

州路總管府明洪武二年曰潮州府

本朝因之海防同知駐南澳分防同知駐黃岡通判駐莽鹽鎮

府境 東西距五百里

八到 南北距三百三十里

東至福建詔安縣界一百五十里

西至惠州府東海峇界三百五十里

南至澄海縣海岸九十里

北至福建上杭縣界二百四十里

東南至海門二百四十里

西南至惠州府東海峇界七十八里

東北至詔安縣界四百里

西北至江西長甯縣界四百五十里

自府治至京師九千六十三里

土貢 銀 布 鹽 甲香 水馬 鮫魚皮 蚶蛇膽 龜

管縣九

海陽 豐順 潮陽 揭陽 饒平 惠來 大埔

澄海 普甯

海陽縣

衝繁難郭下

有縣丞分駐莽埠巡檢駐浮洋市

本漢揭陽縣地晉初改置海陽縣東晉分屬東官郡義熙九年為義安郡治唐為潮州治

海在縣東南一百里府境澄海潮陽惠來皆距海二十里饒平距海一百餘里

縣故城在今縣東

鹽亭驛近海李吉甫云百姓煮海為鹽遠近取給 西洋驛

在縣西六里

銀場王存云海陽有豐濟一銀場橫衝黃岡二錫場

豐順縣 疲難北至府一百六十里 有巡檢駐湯坑市

乾隆 年升海陽縣豐順鎮置

潮陽縣

繁疲難北至府一百四十里

有巡檢三駐招關吉安里

晉義熙九年分海陽縣置屬義安郡唐永徽初省先天初復置屬潮州宋紹興二年廢入海陽八年復置

龍首山一名獲子山在縣東南

練江在縣南源出大南山流至海門入海

縣故城在縣西北臨昆山麓

招收鹽場在縣大柵郵元置招收句管司明洪武二年改為鹽

場今置鹽課司

揭陽縣

繁難東少北至府八十里

有巡檢二駐湖口北塞

漢舊縣晉省入海陽宋宣和三年復析海陽置宋紹興二年廢八年復置

五房山在縣西北四十里周回七十里產鐵礦

縣故城在今縣西宋紹興八年始移今治

饒平縣 疲難西少南至府一百五十里

有南澳黃岡二鎮
巡檢二分駐

明成化十四年析海陽縣地置

南澳山在縣東南一百六十里大海中延袤三百里田地肥沃
中有三澳明嘉靖後為倭所據萬曆三年始設重兵屯守四年
築城今為南澳鎮設總兵駐此

小江鹽場在縣東南黃岡鎮明置鹽課司今因之

浮山墟在縣東南三十里東洋屯宋張世傑妻許氏會陳弔眼
師出黃岡與元兵戰亡於此

惠來縣 繁難東北至府二百七十里

有巡檢二駐神泉葵
潭

明嘉靖四年割潮陽及惠州府海豐縣地置

龍溪山在縣西隋書海甯縣有龍溪山李吉甫云今名海甯嶺

晉海甯廢縣在縣西

隆井鹽場在縣東九十里接潮陽縣界今置鹽課司

大埔縣 簡南少西至府一百六十里

有三河一鎮巡檢二
駐三河及大產里

晉義熙九年分揭陽置義招縣屬義安郡隋大業初改曰萬川
唐初縣廢為海陽縣地明嘉靖五年析饒平海陽二縣地置大

埔縣

鳳翔山在縣西四十五里一名鳳皇山下有鳳皇水又天門嶺
在縣南二十里出鐵礦

韓江自嘉應州流入縣境又南至縣西四十里與大河小溪二
水合流為三河口南逕海陽縣界分為三其二流逕澄海縣西
入海其一西流入揭陽縣界即古員水也亦注於海

萬川廢縣在縣南七十里清遠湖寮城石柱勒字尚存

澄海縣

繁難西北至府六十里

有樟林一鎮巡檢二駐樟林及鮑浦

明嘉靖四十二年析海陽及揭陽縣地置

普寧縣 難東北至府一百二十里 有巡檢駐雲落徑

明嘉靖四十三年分潮陽縣置普安縣萬曆十三年改曰普寧

大南山在縣南綿亘約九十里東接潮陽南通惠來海豐北交

長樂東溪之水出焉即練江也

普安故城在縣東南

肇慶府 衝繁疲難

原額人丁共一十三萬五千五百七十六

又滋生人丁三千五百八十四

漢以前同廣州府漢為蒼梧郡高要縣宋改屬南海郡梁大同

中始分置高要郡隋平陳廢郡置端州大業初改州為信安郡

唐武德五年復曰端州天寶元年復曰高要郡乾元元年復曰

端州五代屬南漢宋初仍曰端州高要郡元符三年置興慶軍

節度重和元年升為肇慶府元曰肇慶路明洪武元年復曰肇

慶府

本朝因之分巡嶺西道駐此

府境

東西距四百九十里

八到

南距九百九十里

東至廣州府三水縣界九十里

西至廣州府梧州界四百里

南至高州府電白縣界七百四十里

北至廣州府清遠縣界二百五十里

東南至廣州府新會縣界二百八十里

西南至雷州府新會縣界二百八十里

東北至三水縣界二百五十里

西北至廣西賀縣界三百五十里

自府治至京師七千九百八十五里

土貢

金 銀 銅 鐵 鉛 布 鹽 茶 硯 磁器

乾漆 香木 鮫革 黃魚 魚苗 望土 草蓆

相 藥

管縣十二州一

高要 四會 新興 陽春 陽江 高明 恩平

廣甯 開平 鶴山 德慶州 封川 開建

高要縣 衝繁疲難郭下 有青岐一鎮巡檢二駐橫查祿步

漢舊縣梁為高要郡治隋平陳為端州治

高要峽在縣東廊道元稱王氏交廣春秋步騰合兵二萬下取南海蒼梧人衡殺錢博興軍逆戰於高要峽口博等軍敗李吉甫謂之零羊峽又定山在縣北一名石室山唐天寶六年改為嵩臺

半水一名新江自新興縣東北流入縣南合鬱水班固云合浦郡臨允縣有牢水北至高要入鬱過郡三行五百三十里按今新江源流不滿二百里與漢志不合或以羅定州之瀧水當之

劉宋宋隆廢郡在縣東南三十里宋崇水口博林廢縣在縣南四會縣 簡西南至府一百三十里 有巡檢駐南津

漢舊縣屬南海郡宋改屬綏建郡隋平陳還屬南海唐武德五年於縣置南綏州貞觀八年更名潯州十三年州廢屬廣州宋重和元年改屬肇慶府

金山在縣北出金沙

南綏廢州在縣北金鷄岡上劉宋始昌廢縣亦在縣北

金場在縣西一百里昔劉氏置場采金於此又王存云高要有沙利一銀場德慶有雲烈一錫場高要有浮蘆一鐵場陽春有攬徑一鐵場陽江有陽江一鉛場又太平場在縣東三十里元豐五年嘗置銀冶元祐七年廢

新興縣 衝難北至府一百三十里 有巡檢駐立將里

漢置臨允縣屬合浦郡三國吳改屬蒼梧東晉永和七年分置
新甯郡又置新興縣與臨允皆屬焉梁省臨允於新興縣置新
州隋平陳郡廢大業初州廢屬信安郡唐武德四年復置新州
天寶初改曰新興郡乾元初復曰新州五代屬南漢宋曰新州
新甯郡元至元十六年置新州路總管府十九年降為散州明
洪武初又降為新興縣

天路山在縣東南古岱嶺在縣西南三十里

廢新州在縣東臨允廢縣在縣南七十里晉單牒廢縣在縣東
二十五里單牒郵隋索盧廢縣在縣南新昌廢縣在縣東新昌
驛

陽春縣

衝難東北至府三百二十里

有巡檢二駐古良及黃泥灣

漢高涼縣地晉分置莫陽縣屬高興郡太康後屬高涼郡梁改

置陽春郡陽春縣隋平陳郡廢唐武德四年於縣置春州天寶
初曰南陵郡乾元初復曰春州宋大中祥符九年併入新州天
禧四年復置熙甯六年廢春州以縣屬南恩州明洪武初改屬
肇慶府

西山在縣西與猗峒接凡九十四處明嘉靖初都御史陶諧討
平猺賊勒石西山又鐵坑山在縣東二十里產鐵鉛坑岡在縣
北舊出鉛鐵砂礦

雲浮水一名漢陽江源出縣西北雲浮山逕陽江縣又南入海
縣境諸水皆注雲浮水

故春州在縣北八十里銅石山南晉莫陽廢縣在縣西劉宋甘
東廢縣在縣西北隋銅陵廢縣在縣北流南廢縣在縣西北唐
廢勒州在縣西北八十里羅水廢縣在縣西南

陽江縣

繁難北至府四百四十里

有巡檢二駐太平及海陵島

漢高涼縣屬合浦郡三國吳置高涼郡梁大通中置高州隋大業初復曰高涼郡蕭銑分高涼縣置陽江縣以縣境陽江為名唐貞觀二十三年屬恩州大順二年移恩州治陽江五代屬南漢宋亦曰恩州恩平郡慶曆八年曰南恩州元至元十三年置南恩路總管府十九年降為散州明洪武初廢州以縣屬肇慶府

海陵山在縣南少西七十里大海中舊名羅洲樂史云陽江縣有羅洲在海口回環三百里乃百姓魚鹽之地三汲山在縣東南大海中

海在縣南三十里

高涼廢縣在縣西劉宋羅州廢縣在縣西南梁杜陵廢縣隋義

康廢縣並在縣西

高明縣

疲西北至府七十里

有巡檢駐三洲

晉分高要置平興縣屬新甯郡尋省宋元嘉十八年置宋熙郡二十七年改曰宋隆兼置平興縣為郡治隋平陳郡廢以縣屬信安郡唐屬端州宋開寶六年省入高要明成化十一年始分置高明縣

平興廢縣在縣西三十里黃邨都梁清泰廢縣在東二十里清

泰都

恩平縣

簡北至府二百七十里

晉分高涼縣置屬高涼郡宋為郡治齊改縣曰齊安置齊安郡隋平陳郡廢開皇十八年改縣曰海安唐武德五年復曰齊安貞觀二十三年於縣置恩州天寶初曰恩平郡至德二載改縣

日恩平乾元初復曰恩州大順二年移州治陽江以縣屬焉宋開寶五年省縣入陽江明成化十四年析陽江及新興新會三縣地復置

縣故城在今縣北二十里恩平汛
廣甯縣 疲難東南至府二百九十里

明嘉靖三十八年分四會縣置

鉛穴山在縣西南出錫鉛

綏建水一名滑水一名綏江自廣西懷集縣流入縣西縣境諸水皆合焉又東南逕四會縣南又逕高要縣東之清岐鎮流入

鬱水
劉宋新招廢縣在縣西南新招邨化注廢縣在縣西三十里綠水村唐化穆廢縣在縣東南五十里康谷邨化蒙廢縣在縣東

南太平都東鄉水口

開平縣 疲難西北至府二百六十里

有巡檢二駐沙圃及松栢里

劉宋元嘉二十七年分新會縣地置義甯縣隋平陳於縣置岡州大業初州廢宋太平興國二年改曰信安熙甯五年省入新興萬曆初於新興縣地置開平屯其後割恩平新興新會三縣地置開平縣

信安廢縣在縣東古州墟劉宋封平廢縣在縣東初賓廢縣在縣境

鶴山縣 疲難西北至府一百七十里

有巡檢二駐藥逕雙橋

本朝雍正九年割開平及廣州新會縣地置

雲粟山在縣西封水所出

德慶州 衝東至府二百十里 有巡檢駐悅城鄉

漢置端溪縣晉永和七年分置晉康郡隋平陳郡廢唐武德四年復於縣置康州兼置都督府九年府州並廢貞觀元年復置南康州十一年廢十二年又置天寶初復曰晉康郡乾元初復曰康州宋開寶五年廢州以縣屬端州尋復置仍曰康州晉康郡紹興元年升爲德慶府十四年置永慶軍節度元至元十七年立德慶路總管府明洪武初曰德慶府九年降爲州以端溪縣省入焉

端山在州東北山下有端溪水西南流入鬱水又程溪水在州東九十里南流百餘里注鬱水

端溪廢縣在州治東八十步晉元溪廢縣在州東五十里悅城鄉劉宋悅城廢縣在州東悅城鎮賓江廢縣在州東夫號水口封川縣簡東至府三百三十里有巡檢駐文德里

漢蒼梧郡廣信縣地梁析置梁信縣及梁信郡普通四年兼置成州隋平陳郡廢爲梁信縣改州曰封州開皇十八年改縣曰封川大業初改州爲蒼梧郡唐武德四年復曰封州天寶初改曰臨封郡乾元初復曰封州宋亦曰封州臨封郡紹興七年廢州以縣屬德慶府十年復故元至元十六年立封州路總管府後降爲散州明洪武初州廢以縣屬德慶州

鬱水今名西江自廣西蒼梧縣流入縣境合賀江又逕德慶西寧高要三州縣入廣州府界樂史云鬱水灘水封水所會之地謂之三江口封水亦名賀江

廢成州在縣北十里賀江口上晉封興廢縣在縣東北開建縣簡東南至府四百十里

漢封陽縣地宋元嘉中分置開建縣尋置宋建郡大明元年郡

廢梁又置南靜郡隋平陳復廢唐屬封州宋開寶五年省開建
縣入封川六年復置明洪武初改屬德慶州
故縣在今縣東按宋文帝分封陽立宋昌宋興開建武化徃徃
永固綏南七縣大明元年悉省惟存開建一縣宋開寶五年省
入封川今縣開寶六年所置也

曾孫用勲校刊

乾隆府廳州縣圖志卷四十二

賜進士及第翰林院編修充 國史館纂修官 臣 洪亮吉撰

廣東布政使司

高州府

原額人丁四萬七千二十三
又滋生人丁四百六十七

漢以前同廣州府漢為合浦郡高涼縣地梁為高州地又分置
電白郡隋平陳郡廢為高涼永熙二郡地唐初屬高州貞觀八
年分置潘州二十二年又徙置高州天寶初改高州曰高涼郡
潘州曰南潘郡乾元初復曰高州潘州五代屬南漢宋開寶五
年省潘州入高州仍曰高涼郡景德元年州廢屬竇州三年復
置元至元十五年置高州路安撫司十七年改總管府明日高
州府

本朝因之分巡高廉道駐此分防通判駐梅菜

府境

東西距五百十里

入到

南北距三百十五里

東至肇慶府陽江縣界一百九十里

西至廉州府合浦縣界三百二十里

南至吳川縣限門海一百十五里

北至廣西容縣界二百里

土貢

銀珠 鹽 牛 馬 蚰蛇膽 孔雀 鸚鵡 香

管縣五州一

茂名 電白 信宜 化州 吳川 石城

茂名縣

繁難郭下 有巡檢二駐乎山赤水

隋分高涼縣置屬高涼郡唐初屬高州貞觀元年改屬南宕州

八年於縣置潘州五代梁開平元年改縣曰越裳後唐同光初復故宋開寶五年州廢以縣屬高州又屬賓州尋復故元大德八年徙高州路來治

監山在縣東北舊有銀坑鑑水源出於此至縣北合竇江

海在縣南一百十五里府境電白吳川石城三縣並際海吳川

縣南三十里有限門納三川之水於海

隋良德廢縣在縣東北懷德鄉電白廢縣在縣東北四十里唐

潘水廢縣在縣南南巴廢縣在縣東南

電白縣 繁難西北至府一百六十里 有巡檢駐沙瑯

漢高涼縣地梁置連江縣及連江郡隋平陳郡廢唐開元五年

改縣曰保安至德二載又改保寧宋開寶五年省入電白明成

化四年移置電白縣

劉宋海昌廢郡在縣境保甯廢縣在縣東今有上下保甯鄉
信宜縣 簡西南至府八十里 有中道一鎮巡檢駐懷鄉

梁分端溪置梁德縣兼置梁德郡隋平陳郡廢開皇十八年改
縣曰懷德唐武德四年析懷德置信義縣兼置南扶州貞觀元
年州廢二年復置五年又廢六年復置改曰賓州天寶初曰懷
德郡乾元初復曰賓州宋開寶中析懷德入信義太平興國初
改曰信宜仍爲賓州治熙寧四年州廢以縣屬高州
羅賓洞在縣南賓州以此得名唐貞觀五年高州總管馮盎入
朝羅賓諸洞獠反盎討平之

賓江源出縣南流逕茂名化州入羅江一名信義水

廢賓州在縣南二里教場左懷德廢縣在縣東北五十里威化
鄉又唐潭峩廢縣在縣西北二十里潭峩鄉特亮廢縣在縣北

一百二十里特亮鄉

化州 簡東北至府九十里

有巡檢駐梁家沙

劉宋分高涼置羅州縣蕭齊復立高興郡梁置羅州及石龍郡
又分置石龍縣爲州郡治隋平陳郡廢大業初州廢以石龍縣
屬高涼郡唐武德五年復於縣置羅州六年改南石州貞觀九
年改曰辯州天寶初曰陵水郡乾元初復曰辯州天祐元年改
曰勳州五代屬南漢仍曰辯州宋太平興國五年改曰化州陵
水郡元至元十五年立化州路安撫司十七年改總管府明洪
武三年曰化州府八年降爲州省石龍縣入焉九年又降爲縣
十四年復爲州

陵羅水一名羅江自廣西北流縣流入州東會賓江南流逕吳
川縣又南入海又茂名水在州東北自茂名縣流入與陵羅水

合

石龍廢縣在州東北三里羅州廢縣在州西北一百里青湖郵
唐陵羅廢縣在州北一百二十里慈廉廢縣在州西北按舊唐
書羅州領慈廉羅肥二縣今州西北有羅肥鄉當卽縣故址
吳川縣 簡北至府一百二十里 有郵一鎮巡檢駐句州

隋分高涼縣置以縣西吳川水得名宋元屬化州明洪武八年
改屬高州府

翔龍廢縣在縣南海中岡洲上按宋景炎二年端宗崩於岡洲
陸秀夫等復立帝弟衛王昺是月黃龍見海上因改元祥興升
岡洲爲翔龍縣元廢

茂暉鹽場在縣西南四十里又新場在縣西南七十里官寨鹽
場在縣西一百三十里

石城縣

簡東北至府一百九十里

有巡檢駐凌祿

唐武德五年析石龍縣置屬羅州六年移羅州來治天寶元年
改縣曰廉江又改州曰招義郡乾元元年復曰羅州宋開寶五
年州縣俱廢入吳川乾道三年復析吳川置石城縣屬化州明
洪武八年改屬

黎山在縣西北幹水所出

龍化水今名九洲江在縣西北二十里自廣西陸川縣流入又
西南逕雷州府遂溪縣境入海

廉江廢縣在縣北江頭鋪又唐廢羅州在縣東北三十里龍湖
幹水廢縣零綠廢縣並在縣西

廉州府

繁難

原額人丁共二萬三千四百四十三
又滋生人丁共二百三十四

禹貢荊州南境秦為象郡地漢為合浦郡之合浦縣後漢為合浦郡治三國吳改為珠官郡尋復故宋泰始七年分置越州隋平陳郡廢大業初改州曰祿州尋復為合浦郡唐武德五年復曰越州貞觀八年改曰廉州天寶初曰合浦郡乾元初復曰廉州五代屬南漢宋太平興國八年廢州置太平軍咸平初復置廉州合浦郡元至元十七年置廉州路總管府明洪武二年改廉州府尋降為州屬雷州府十四年復為府

本朝因之分防同知駐龍門

府境

東西距五百四十里
南北距三百五里
東至高州府石城縣界一百六十里
西至廣西上思州界三百八十里
南至大海八十里
北至廣西橫州界二百二十五里
東南至石城縣界一百八十里
西南至交趾界四百二十里

八到

東北至廣西博白縣界一百八十里
西北至橫州界二百二十里
自府治至京師九千六十五里

土貢

金 銀 珠 翠羽 玳瑁 鹽 大蜈蚣皮 甲香
餘柑子 高良薑 孔雀

管縣二州一

合浦 欽州 靈山

合浦縣

披郭下 有馬驛二巡檢三驛高仰珠場永平

漢舊縣屬合浦郡後漢為合浦郡治齊移郡治徐聞以縣屬焉梁陳復為郡治隋平陳郡廢尋復故宋太平興國八年廢入石康縣咸平元年復置仍為州治

大廉山在縣東北李吉甫云唐廉州取大廉洞為名舊說東漢時費貽為合浦太守有廉名去之日百姓追送至此因以名山廉頭山在縣西北李吉甫作糧頭山樂史云尉佗駐軍處居人

春穀積穰成山故名

海在縣南八十里又西逕欽州南六十里曰龍門海自此涉海至西南岸即交趾潮陽鎮

合浦江在縣東南一名廉江又珠池在縣東南八十里海中一名珠母海居人採珠之所

劉宋越州故城在縣東北按泰始七年立領臨漳郡統漳平丹城勞石容城長石都井緩端七縣後俱廢州故城在縣東北七十里名舊州邗唐州治此又有故縣在今縣西北十五里多歡鄉安昌故城在縣北珠官廢縣在縣南龍蘇廢縣在縣東北齊封山廢縣在縣西北唐蔡龍廢縣在縣西北一百十五里珠池廢縣在縣南南漢石康廢縣在縣東北
白石鹽場在縣東南九十里又有白沙官寨丹兜三場皆明洪

武中建又西鹽場在縣西南一百里欽州界

欽州繁難東少南至府一百八十里

有馬驛一州判分駐新街巡檢五駐防城如昔沿海那陳長墩

劉宋分合浦縣置宋壽郡梁武帝於郡置安州隋平陳郡廢十八年改州曰欽州治欽江縣大業初改州曰寧越郡唐武德四年復置欽州兼置總管府貞觀元年府罷天寶初復曰寧越郡乾元初復曰欽州宋開寶五年省欽江移州治靈山南宋復移州治安遠元至元十五年置欽州安撫司十六年改總管府明洪武二年曰欽州府八年降為州以州治安遠縣省八
羅浮山在州西北李吉甫云俗傳似循州羅浮山因名又分茅嶺在州西三百里與安南抵境漢馬援征交趾立銅柱其下與之分界山頂產茅草頭南北異向至今猶然明宣德二年陷入

交趾新安州嘉靖二十一年莫登庸降仍歸版籍

欽江在州東李吉甫云源出遵化縣東北閣博山南入海

欽江故城在州東北五十里唐如和廢縣在州西北寧海廢縣

在州西南徽外烏雷廢縣華清廢縣並在州西南

靈山縣簡東南至府一百八十里有馬驛一巡檢二駐西

隋開皇十八年分合浦置南賓縣唐天寶元年改曰靈山宋初

徙欽州來治明洪武十四年屬廉州府

豐子嶺在縣西北百餘里一名西靈山李吉甫云貞觀十年移

南賓縣於峯子嶺即豐子也又分水嶺在縣北二十五里與橫

州接界水流為南岸江

縣故城在今縣西八十里下東鄉宋徙今治隋遵化廢縣在縣

西南內亭廢縣在縣西一百里

雷州府

原領人丁一萬四千七百五十四
又滋生人丁二千六十七

禹貢揚州南境秦為象郡地漢元鼎六年開置合浦郡治徐聞

縣後漢為合浦郡地南齊仍移合浦郡來治梁普通四年分置

合州太清元年曰南合州隋平陳復曰合州治海康縣大業初

州廢仍屬合浦郡唐武德四年復置南合州貞觀元年更名東

合州八年始改曰雷州天寶元年曰海康郡乾元元年復曰雷

州宋曰雷州海康郡元至元十五年置雷州路安撫司十七年

改總管府明洪武元年改曰雷州府

本朝因之海防同知駐海安

府境東西距一百六十里
南北距三百九十五里

八到東至高州府吳川縣界二十里
西至廉州府合浦縣界一百四十里

南至瓊州府瓊山縣界一百八十里

北至高州府石城縣界一百一十五里

東南至海岸二百里

西南至瓊州府臨高縣界二百二十里

東北至吳川縣界一百六十里

西北至海岸二百里

自府治至京師九千五百五里

土貢 絲 葛 米豆 芥禾 班竹 荔枝 牛 孔雀

管縣三

海康 遂溪 徐聞

海康縣 簡郭下 有巡檢駐清道

漢置徐聞縣屬合浦三國吳改屬珠厓郡晉還屬合浦隋平陳

改置海康縣

海府境東西南三面皆距海縣東至東洋海岸二十里徐聞縣

南至那黃大海二十里

擊雷水在縣南樂史云梁時移州於驚雷江源即此

雷川廢縣在縣西按隋志大業初廢模洛羅阿雷川三縣入海

康疑皆梁陳時所置也

戴公渠在縣境有二渠皆宋乾道五年郡守戴之邵鑿

遂溪縣 簡南至府一百八十五里 有巡檢駐湛川

南齊分徐聞置扇沙縣樞縣隋開皇十年又分置鐵杷縣十八

年改樞縣曰樞川縣大業初省以二縣屬合浦郡唐武德初省

扇沙復置樞川與鐵杷皆屬南合州天寶元年併二縣改置遂

溪縣宋開寶五年省入海康紹興十九年復置

圍洲山在縣西南二百里海中周七十餘里中有三池產珠上

有溫泉泥可澣衣使白如雪

珠池在縣西南一百五十里樂民所西海中亦名樂民池

鐵杷廢縣在縣東南七十里鐵杷水旁樵川廢縣在縣西北五

十里有溪名樵川
徐聞縣 簡北至府一百六十里 有巡檢駐寧海東場

漢舊縣南齊分置樂康縣為齊康郡治隋平陳郡廢改縣曰隋
康唐貞觀二年改曰徐聞宋開寶五年省入海康乾道七年復
置

齊康廢縣在縣西南討綱村按隋志合浦郡領隋康縣舊曰齊
康侯官故址在縣南李吉甫云漢置左右侯官在徐聞縣南七
里積貨物於此備其所求與交易有利故諺曰欲振貧詣徐聞

瓊州府 繁疲難

原額人丁十萬九千三百四十八
又滋生人丁四百八十四

禹貢揚州西南徼外地春秋戰國為揚越地秦末屬南越漢元

封元年開置珠崖儋耳二郡始元五年省儋耳郡初元三年省
珠崖郡入合浦為都尉治後漢仍屬合浦郡三國吳赤烏五年
復置珠崖郡唐武德五年置崖州貞觀元年置都督府五年分
置瓊州天寶初改崖州曰珠崖郡瓊州曰瓊山郡乾元初復曰
崖州瓊州俱屬嶺南道貞元五年移都督府於瓊州五代屬南
漢宋開寶五年省崖州熙寧四年移瓊州治崖州故地仍曰瓊
州瓊山郡政和元年升為靖海軍節度使元初曰瓊州天歷二
年改曰乾寧軍民安撫司明洪武初為瓊州十四年升為府
本朝因之分巡雷瓊道駐此海防同知駐崖州

府境

東西距九百七十里
南北距九百七十五里
東至萬州海岸四百九十里
西至儋州海岸四百八十里
南至崖州海岸九百六十五里
北至海岸十里

八到

乾隆府州縣志卷四十一

東南至陵水縣海岸五百四十里
西南至感恩縣海岸八百一十里
東北至文昌縣海岸一百六十里
西北至臨高縣海岸二百八十里
自府治至京師九千七百一十五里

土貢 金 銀 珠 玳瑁 蜜臘 布 鹽 木 藤 檳
榔 椰子 棋子 香 海漆 瓊枝 波羅蜜果

管縣十州三

瓊山 澄邁 定安 文昌 會同 樂會 臨高

儋州 昌化 萬州 陵水 崖州 感恩

瓊山縣 繁郭下 有縣丞分駐海口巡檢駐水尾

漢初珠崖郡地後置朱盧縣後漢曰珠崖縣三國復故梁陳時
省隋初為武德縣屬朱崖郡大業六年改置舍城縣為珠崖郡
治唐武德五年於縣置崖州宋開寶五年州廢屬瓊州熙寧四

年省舍城移瓊山縣來治

海在縣北十里府境在海島中澄邁臨高文昌會同樂會儋州

昌化萬州陵水崖州感恩皆距海

珠崖故郡在縣東南三十里東暉都即故暉都縣應劭云郡在

大海中崖岸之間出珍珠故曰珠崖薛瓚引茂陵書珠崖郡治

暉都縣故城在今縣南六十里李吉甫云本漢瑋瑁縣地宋熙

寧四年始移今治舍城故城武德廢縣並在縣東南唐顏城廢

縣在縣東二十里顏郵

澄邁縣 簡東至府六十里 有巡檢駐澄邁里

隋分珠崖郡地置宋開寶五年改屬瓊州

邁山在縣東隋置縣以界內邁山為名

縣故城在今縣東澄邁村樂史云本漢苟中縣地苟中廢縣在

縣南四十里唐會口廢縣在縣南

定安縣 簡北至府八十里 有巡檢駐太平汛

唐咸通中於瓊山縣地置忠州尋廢元至元三十一年始析置定安縣天曆二年升為南建州明洪武元年仍為定安縣

黎母山一名五指山在縣西南范成大云山極高常在雲霧中黎人自辨識之山水分流四郡黎洞在山下諸蠻環居號黎人其去府地遠不供賦役者號生黎耕作府地者號熟黎黎之外始是州縣四郡各占島之一隅四郡人多黎姓蓋其裔族又山下有黎毋江東北至瓊山縣入海

縣故城在今縣東南新寨嶺下元天曆二年移今治廢忠州在縣西南黎毋山峒中

文昌縣 難西北至府一百六十里 有焚樓一鎮巡檢二駐 蒲前及青監頭

唐武德五年分珠崖郡置平昌縣貞觀元年改曰文昌以縣南

文昌江得名

焚樓山在縣西北一百三十里近大海漢樓船將軍楊僕征黎至此焚船登岸因名

縣故城在今縣北潭步村元至順二年移今治紫貝廢縣李吉甫云文昌本漢紫貝縣地今故縣在縣南紫貝山陽

會同縣 簡西北至府二百九十里

元至元三十年分樂會縣地置

縣故城在今縣西北元皇慶元年移今治唐容瓊廢縣在縣西樂會縣 簡西北至府三百三十里

唐顯慶五年析文昌縣置宋大觀三年割屬萬安軍紹興初還屬瓊州

縣故城在今縣北唐寄治南管元大德六年徙今治

臨高縣 疲東北至府一百八十里 有巡檢駐和舍

漢珠崖儋耳二郡地唐武德五年置臨機縣唐開元元年改曰臨高

毗耶山在縣西北樂史云山頂有蟲似伏蛇俚人以蟲為毗耶

臨機故城在縣東南臨機村隋富羅廢縣在縣北那在村

儋州 備東北至府三百里 有巡檢駐薄沙

漢初南越地元封元年置儋耳郡始元五年併入珠崖郡梁置崖州隋始置義倫縣大業初於縣置珠崖郡六年改儋耳郡唐武德五年改曰儋州天寶元年改為昌化郡乾元元年復曰儋州宋太平興國元年改縣曰宜倫熙寧六年廢州為昌化軍紹興五年廢軍以宜倫縣隸瓊州十四年復為軍端平二年改曰

南寧軍明洪武二年復改為儋州正統五年以州治宜倫縣省

八

松林山在州北二十里即隋志所謂藤山也

儋耳故郡在州西三十里山海經離耳國在鬱水南即儋耳也

唐洛場廢縣在州東南

昌化縣 難東北至府五百五里

隋分儋耳郡地置宋熙寧六年省入宜倫元豐三年復置

縣故城在今縣東南十五里舊縣村李吉甫云本漢至來縣地

明正統六年移今治隋吉安廢縣在縣北

萬州 疲西北至府四百五十里 有巡檢駐龍溪

唐貞觀五年析文昌縣地置萬安縣龍朔二年於縣置萬安州

開元九年徙州治陵水縣天寶元年改為萬安郡至德二載改

郡縣皆曰萬全乾元元年復爲萬安州仍改縣曰萬安貞元元年移州還治萬安縣五代南漢改縣曰萬寧宋初曰萬安州萬安郡熙寧七年廢爲萬安軍紹興六年廢軍十三年復置仍改縣曰萬安元亦曰萬安軍明洪武初改曰萬州正統五年以州治萬安縣省入

獨洲山在州東南海中周六十里又名榜山海舟多泊灣於此南番諸國入貢視此山爲表

萬安故城在州北唐富雲廢縣在州西陵水縣難西北至府五百七十里有巡檢駐實停

隋大業六年分珠崖郡地置以縣北陵拱水得名屬臨振郡唐初屬振州龍朔中改屬萬安軍開元九年移州來治貞元元年復故宋熙寧七年省爲鎮入萬寧元豐元年復置紹興六年改

屬瓊州十三年仍屬萬安軍明屬瓊州府

縣故城在今縣東自元初數徙至明正統中始移今治

崖州難中隔黎峒由東路至府八百七十里

有藤橋一鎮
巡檢二駐樂
安永寧

隋開皇初於珠崖郡地置臨振縣大業六年置臨振郡又分置寧遠縣唐武德五年於縣置振州天寶六年改曰延德郡乾元初復曰振州宋開寶五年改曰崖州熙寧六年省寧遠縣又廢州爲珠崖軍政和七年改曰吉陽軍紹興六年又廢軍爲寧遠縣十三年復置軍元亦曰吉陽軍明洪武初改曰崖州正統五年以州治寧遠縣省入

延德水在州西寧遠水在州北

寧遠廢縣在州南一里水南村隋臨川廢縣唐吉陽廢縣在州

東落屯廢縣在州東黎中落屯村隋延德廢縣在州西北一百五十里白沙鋪

臨川鹽場在州東八十里即宋臨川鎮故址又臨高縣東五十里有三村馬鼻鹽場文昌縣東五十里有陳村樂會鹽場儋州西八里有頓博蘭馨鹽場昌化縣南有馬嶺鹽場萬州東南三十里有新安鹽場並明洪武中置今裁

感恩縣難東北至府六百四十五里漢儋耳郡地隋置感恩縣宋熙寧二年省八宜倫元豐四年復置

感恩水在縣東北七十里隋書感恩縣以此名
宋廢鎮州在縣東北漢九龍廢縣在縣西北九龍山下
羅定州繁疲難有馬驛一巡檢駐音康鄉

原額人丁二萬二千五百六十八

漢蒼梧郡端溪縣地晉為晉康郡地齊置廣熙郡治龍鄉縣梁改置平原郡平原縣兼置瀧州隋平陳郡廢開皇十八年改平原曰瀧水大業初改州置永熙郡唐武德四年復置瀧州天寶初改曰開陽郡乾元初復曰瀧州五代屬南漢宋開寶六年廢州以瀧水縣屬康州南宋屬德慶府元屬德慶路明初屬德慶州萬曆四年改縣置羅定州直隸廣東布政使司

本朝因之州判分駐羅鏡

州境
東距三百里
西至肇慶府高要縣界一百八十里
南至高州府茂名縣界一百八十里
北至肇慶府封川縣界一百五十里
東南至肇慶府新興縣界一百六十五里
西南至高州府信宜縣界一百八十里

東北至肇慶府德慶州界一百四十里
西北至廣西蒼梧縣界二百里
自州治至京師七千八百六十里

土貢 果下馬 棠棠果 藥

管縣二

東安 西寧

瀧水廢縣在州南一百里順仁鄉晉夫阮廢縣在州界唐建水
廢縣在州東鎮南廢縣在州西開陽廢縣在州東南

東安縣 難西少南至州一百二十里 有巡檢駐西山

漢端溪縣地宋元嘉中分置安遂縣梁改置建州廣熙郡州尋
廢大業初郡廢唐武德四年復置南建州貞觀八年改曰藥州
十八年州廢屬康州至德元載改縣曰晉康宋開寶五年省入
端溪明萬曆五年復分德慶州及新興縣地置東安縣

大臺山在縣東北二十里又五里有鐵山產鐵礦

晉康廢縣在縣西北唐永順廢縣在縣東南五十里芙蓉都富

林廢縣在縣西南八十里

西寧縣 繁難東南至州一百二十里 有巡檢駐夜護里

晉分端溪置都城縣梁復置羅陽郡隋平陳廢郡為羅陽縣開
皇十八年改曰正義大業初省入瀧水縣唐武德四年復置尋
又省明萬曆五年始分置西寧縣

鬱水今名西江在縣東北五十里自肇慶府封川縣流入與德

慶州分界又東逕東安縣入肇慶府高要縣界又瀧水源出縣

西南東北流入州西謂之建水又東北逕東安縣注江

羅陽廢縣在縣西晉都城廢縣在縣北都城鎮隋懷德廢縣在

縣南

連州 繁難

有巡檢二駐朱岡星子

見在人丁共二萬四千一百三十九
又滋生不加賦人丁共八十七

禹貢荊州之域春秋戰國屬楚秦為長沙郡地漢置桂陽縣屬
桂陽郡三國吳甘露元年分屬始興郡宋泰始六年置宋安郡
秦豫元年郡廢屬廣興郡齊屬始興郡梁天監六年置陽山郡
隋平陳罷郡為連州大業初改州曰熙平郡唐武德四年復曰
連州天寶元年改曰連山郡乾元元年復曰連州五代初屬楚
後屬南漢宋亦曰連州連山郡元至元十七年升連州路總管
府十九年仍為連州屬廣東道又升桂陽縣為州屬湖南道明
洪武二年併桂陽州入連州尋廢十四年復置連州屬廣州府
本朝雍正五年直隸廣東布政司
州境 東西距三百八十里
南北距二百里

八到

東至韶州府英德縣界二百三十里

西至廣西賀縣界一百五十里

南至廣西懷集縣界一百里

北至湖南臨武縣界一百里

東南至懷集縣界三百里

西南至賀縣界二百二十里

東北至湖南宜章縣界一百十里

西北至湖南江華縣界九十里

自州治至京師七千四百二十五里

土貢

銀 銅 鐵 丹砂 布 藥

管縣二

陽山 連山

貞女山在州南酈道元云滙水厯峽南出謂之貞女峽峽西岸
高巖名貞女山桂陽山在州西北五十里本名靈山唐天寶八
載改名

滙水一名桂水又名盧水源出州西北東南流逕陽山縣南會

涇水又東南入韶州府界班固云桂陽涇水南至四會入鬱林
過郡二行九百里漢元鼎五年衛尉路博德爲伏波將軍出桂
陽下涇水卽此

劉宋岡溪廢縣在州城西北

銀場有二一在州南同官峽一在陽山縣西北

陽山縣難西北至州二百里有青龍一鎮巡檢駐淇潭堡

本秦末南越陽山關地漢置陽山陰山二縣後漢省陽山入陰
山三國吳孫皓復置陽山縣梁屬陽山郡隋屬熙平郡唐屬連
州元至元十九年割屬桂陽州明初屬韶州府尋屬廣州府
本朝雍正五年與連山縣並改屬連州

銅沙山在縣西南七十里產銅又縣東三十里有寶源山產黑
鉛

縣故城在今縣東涇水南唐神龍元年始移水北卽今治陰山
廢縣在縣北

連山縣難東少北至府一百十里有巡檢駐宜善

梁分桂陽縣置廣德縣隋開皇十年改曰廣澤仁壽元年又改
曰連山宋紹興六年廢爲鎮十八年復置明洪武四年省入陽
山十四年復置屬廣州府

黃連山在縣南四十里黃連水源出於此一名漣口水一名滑
水至州南同官峽入涇

縣故城在今縣西北明永樂元年移治程山天順六年始徙今
治隋熙平廢縣在縣西北

嘉應州衝繁難有水馬二驛梅口一鎮巡檢駐太平鄉
原額人丁共五萬二千一百八十

漢以前同廣州府漢為南海郡揭陽縣地東晉後為義安郡海陽縣地蕭齊始分置程鄉縣屬義安郡唐屬潮州五代南漢乾和三年於縣置敬州宋開寶四年改曰梅州熙寧六年廢州元豐五年復置宣和二年賜名義安郡紹興六年又廢州十四年復置元至元十六年升為梅州路二十三年仍降為散州明洪武二年廢州為程鄉縣屬潮州府

本朝雍正十一年升為直隸嘉應州

州境

東西距四百一十五里
南北距二百七十里
東至潮州府大埔縣界一百四十五里
西至惠州府龍川縣界一百七十里
南至潮州府海陽縣界一百五十里
北至福建武平縣界一百二十里
東南至潮州府海陽大埔二縣界八十里
西南至惠州府永安縣界二百四十里
東北至福建上杭縣界一百二十五里
西北至江西長寧縣界一百六十里

自州治至 京師八千七百六十三里

土貢

銀 錫

管縣四

興寧 長樂 平遠 鎮平

西陽山在州東南又州東北二百里平頂山產鐵礦

程江在州西源出惠州府長寧縣界東流入海

程鄉故城在州西城外曾井東

銀場在州境王存云程鄉縣有一銀場石坑一鉛場龍坑一鐵

場又興寧縣有夜明銀場

興寧縣 難東至州七十里 有巡檢二駐十三都及水口

東晉分龍川縣置屬東官郡隋改屬龍川郡唐屬循州明屬惠州府

本朝雍正十一年與長樂等三縣同改屬

寶山在縣東北六十里元末陳友定采鑛於此

興寧江即左別溪自長樂縣南流入縣境又東逕州南曰梅溪

又東入潮州府界入海又有右別溪在縣西與左別溪合流注

海

故縣在今縣東北二十里齊齊昌廢縣在縣北

長樂縣衝難東至州一百十里有清溪一鎮巡檢駐十二

宋天禧二年以興寧縣地置長樂鎮熙寧四年升為縣屬循州

明屬惠州府

錫坪山在縣西南五十里南近琴江口產錫

故縣在今縣東北宋紹興後凡三徙明洪武初始移今治

錫場王存云有羅翊洋頭大佐瀨湖四錫場

平遠縣簡東南至府七十里有巡檢駐霸頭

明嘉靖四十三年分程鄉及惠州府興寧縣地置屬潮州府

卓筆山在縣東南三十里下有鐵礦又鐵礦山在縣東南四十

里亦產鐵有鑪

鎮平縣簡東南至州六十里有藍坊一鎮巡檢駐羅岡

明崇正六年分平遠程鄉二縣置屬潮州府

--	--	--	--	--	--	--	--	--	--	--	--	--

會孫用勳校刊

